

TENDAA NENSAABA ZAA YELESOOBO SOBIE MOOLOO

A YELE YUOBO

A yeli nang bebe la, ka nee zaa bang ka nengsaala emmo ane o yelsoore seng la taa a nengsaala booro poɔ; a nengsaala mengesoobo ane o yelmenge noba zie la binne eng-maarong ane yelmenne noba zie a tengazu.

Ka nengsaala kaa-ba-nye e ka tongfaare tong ka noba banang nang taa teerong veele nye posããna. A yele ama ee la ka nengsaala zaa nang booro bone ne ka ka bie tenga benee nengsaaba zaa nang so ba menne a yele yele zaa ba nang booro, a puoro puoru zaa ba nang booro, a ta zoro bebiri kang nang.

Ka a da sengɛ la ka anang ba fere nee kao e yeli nang fere o, a kũũ ne o baao poɔ ka o faa o mengɛ dɔgrong poɔ, ka ka a yelmenne tɔretero la guuro a tendaa zaa noba yelsoobo sobie.

Ka a da sengɛ la ka to-ne-to nɔmmo yele a tendaa za.

Ka a noba nang be a Tendaa Langne poɔ lee maaleng nyɔgɛ ba yeldeebo a a yelmanne binne nga nang guuro a tendaa zaa yelsoobo sobie poɔ, ka dɔɔ ane pɔge nang ba gang taa song ka nengsaala maaloo ane o mengesoobo yele gere ninge a tenga zu.

A tenne na zaa nang be a Tendaa Langne nga poɔ eng la noore ka bana ane a Tendaa Langne na nye a tendaa zaa nongtaa, a engne a Tendaa zaa yelsoobo ane mengesoobo sobie.

Ka ka nee zaa bang ka a yelsoobo sobie ama ane a nensaala mengɛ soobo la yelkpong nang be a noore nga emmo poɔ.

Pampanga a Le Zueng,

A TENDAA LANGNE NOBA LANG TAA

moolo la:

ka a TENDAA ZA YELESOOBO SOBIE waa la bone noba zaa ane tenne zaa nang na moĩ nimir k'a nye eebo. A lezueng nee zaa, bee nengsaaba langne zaa na taa la a yele ama teerong tegtegle a ere anee ba wuluu poɔ ane ba zanno poɔ a e k'a yelsoobo sobie ane a noba mensesoobo yele duoro saa kye ere beele beele tenga zaa poɔ a na e k'a tendaa zaa bang kye tuuro a yele ama. Tenne na zaa nang be a lammo nga ane noba na zaa nang kpeere a tenne na poɔ, a lang ne a noba banang zaa nang be tenne na zaa ba nang di naalong a zu.

Dore 1

Nengsaala zaa ba nang dɔge so la o menga, ka o ne o taaba zaa sengtaa noba emmo ane yelsoobo sobie poɔ. Ba dɔgɛ ba zaa ne yeng ane yele-iruu k'a da seng ka ba ere yele koro taa a nga yɔɔmine.

Dore 2

Neezaa soobo la a Tendaa zaa yelsoobo sobie ama nang be a gane poɔ; a ba wullo ka nee nga waa ngaa ne ngaa; a nga balong, bee o enge waalong, k'o waa la pɔge bee dɔɔ, o kɔkɔyela, puoru na o nang puoro, o teerong nang are le a tenga maalo yele poɔ, o tengyiraa ane o aroozie a tenga poɔ, boma o nang taa, o dɔgebo zie bee o arezie.

A la waana le puoreng, gyegru kyebe ane nee teerong nang wuli o ka o tuuro a tenga maalo yele le, bee bone na naalong ba nang dire a tenga na poɔ a nee na nang yi, ka a tenga na so la o mengɛ bee ka o be la tenga kang nuureng, bee ka o nang ba so o mengɛ, be ka yele mine bebe la a pɔgro o mengesoobo sobiri.

Dore 3

Neezaa taa la sori ka o taa nyɔvore, ka bone zaa ta ngmaara o sobiri o yellerre poɔ, ka tuo ta be o zie.

Dore 4

Neezaa ba taa sori a taa o tɔsoba ka o waa o gbangbaa bee ka o tonɔ gbangba-toma. A fereɛ la kaa gbangbaalong ane nengsaaba kooro ta bebe togtog yelizaa poɔ.

Dore 5

Neezaa ba seng ne enge dɔgrong nang gang, bee potuyele, bee dɔgrong zaa nang ba seng ne nengsaala.

Dore 6

Ka neeng be zie zaa a fereɛ la ka a tenga na deme de o k'o waa nengsaala a loo poɔ.

Dore 7

Loo ninge poɔ noba zaang sengtaa k'a fere ka a loo kaara ba zaa zu ka gyegru kyebe. A yele ama moolo poɔ kyirung la ka gyegru bebe nee zaa zie, bee ka nee dore ka ba gyegri nee.

Dore 8

Ka nee zaang taa yeli a gaane a sereɛ diibo zie, a fereɛ la ka a tenga na seredirebe a di a sereɛ velaa ka a yelmenge gaa a nee na deme nang kpe zie a seng le a tenga loo nang manne bing.

Dore 9

Neezaa ba seng ne ka ba deɛ bone nyɔgoo gaa te page kyɛ ba di a sɛrɛɛ, bee ka ba diguu bare ka o yi gaa teng-yuo a te kpeɛɛ.

Dore 10

Neezaa nang sãã yeli, a ferɛɛ la ka a tenga na sɛredirebe di o sɛrɛɛ neng-yaga poɔ ka nɔnne boore kyebe a sɛrɛɛ nga ba nang dire a na nye bone na yeli o nang sãã poɔ.

Dore 11

Neezaa ba nang nyɔge yeli kang poɔ a na di o sɛrɛɛ ko na pɔge nyɛ dɔgrong a poɔ, a ferɛɛ la ka a sɛredirebe de ka o ba sãã yeli, a ta lɛ sang ba nang di o sɛrɛɛ yeng poɔ a te nyɛ bang ka o sãã la yeli. A o sɛrɛɛ diibo na meng poɔ a ferɛɛ la ka ba k'o sori ka o bɔ bone na zaa nang na toɔ song o ka o yeli faa o minge.

Ba kong toɔ nyɔge neɛ zaa nang sãã yeli nang taa dɔgrong; yeli o nang e, bee o nang nage o vuo na poɔ, a yeli na o nang e, bee o nang nage nang da ba waa yelsãana nang boɔrɔ dɔgrong a lɛ sang onang da e a yeli bale, bee ka ba ko o dɔgrong nang waa tuo gang a dɔgrong na nang da bebe ka ba da ko o a lɛ sang o nang sãã a yeli bala.

Dore 12

Neezaa ba taa sori a bonno kpeɛɛ o to yelɛ poɔ, bee o die yelɛ poɔ, bee o yiri yelɛ, bee o gama yelɛ, bee ka o sãã o to yosong ane o eveɛle. A ferɛɛ la ka a loɔ guuro neɛ zaa a dɔɔne ama taaba poɔ.

Dore 13

Neezaa taa sori ka o yooɔrɔ gerɛ benee zaa o nang boɔrɔ, bee ka o kpeɛɛ benee zaa o nang boɔrɔ a tenga toribogri poɔ.

Neezaa taa sori ka o yi tenga kang zaa poɔ, bee o minge tenga poɔ a kyɛ lee wa a o tenga poɔ.

Dore 14

Neezaa taa sori ka o yi tenga na poɔ ba nang boɔrɔ o dɔgroo, bee o koobo a gaa tenne mine a na te nyɛ popeɛlong.

A sobiri nga kyebe neɛ nang sãã yeli yelmenge ka ba boɔrɔ o ka ba di o sɛrɛɛ ka a yelɛ na o nang sãã ba e votu yelɛ bee yelɛ nang ba tu a Tendaa Langkpong yelɛ sobie ba nang manne bing lɛ.

Dore 15

Neezaa taa sori a na waa enga kang paalong neɛ.

Neezaa ba taa sori a na yeli ka neekang ta be o tenga poɔ, bee ka o ta yi o tenga a gaa te kpeɛɛ teng-yuo.

Dore 16

Neezaa nang ta dɔɔ, bee pɔge, bale zaa poɔ, tenga zaa poɔ, puoru zaa poɔ, taa sori a na de pɔge, bee kuli sere a dɔgroo bibiiri. Ba zaang na sengtaa a ba kultaa yelɛ poɔ a ta lɛ sang ba kultaa nang baare.

Neezaa ba taa sori a fere noba ka ba kultaa; banang nang kulo taa yong na pele poore a sage ka ba kultaa.

Dɔɔ ane o pɔge ane o bibiiri waa seng bombiri a tenga noba zie ka a fere ka a tenga noba ane a tenga nembɛɛ kaara ba zu.

Dore 17

Neezaa taa sori a na so boma o yong, bee ka o ne noba mine lang so boma.

Neezaa taa sori faa neɛ boma o nang so.

Dore 18

Neezaa taa a sori na teɛɛ yelɛ a seng o nang boɔrɔ lɛ, a tuuro o yeng wuluu, a puoro puoru na zaa o nang boɔrɔ; o la taa la a sori meng a na leere o puoru ane o teɛrong; o na toɔ e la lɛ o yong, bee a lang ne noba yeng poɔ, bee o yong zie. O la taa sori meng a na e ka o puoru yelɛ sãã noba zie. O taa sori na wullo noba a o puoru yelɛ. O taa sori tuuro a o puoru nga sobie zaa a seng lɛ o nang boɔrɔ.

Dore 19

Neezaa taa sori ka o teɛɛ ka yeli kang waa ngaa bee o ba waa. O taa sori meng na yeli a yeli na yelɛ. O la taa la a sori meng ka o teɛɛ ka yelɛ mine waa ngaa, kyɛ ka neɛ zaa ta fere o a o teɛrong na poɔ. O taa sori meng ka o bɔ a kyɛ nyɛ yelpaaba nang yire zie zaa waana, ka a gangneɛ toribogri bee ka a ba gangna o taa la a sori.

Dore 20

Neezaa taa la a sori ka o poɔ noba nang langtaa ane teɛrong velaa. O la taa la sori ka o kpe langne zaa.

Neɛ kontoɔ fere neɛzaa ka o kpe langne kang poɔ.

Dore 21

Neezaa taa sori k'o poɔ a tenga gobenente yelɛ poɔ o minge bee ka o poɔ iri noba ka ba lee o zu.

Neɛzaa taa sori ka a tenga poɔ bone na zaa nang bebe ka ba de sonno ne a noba ba yeli zaa poɔ k'a tara o meng.

A gobenente fang a tenga poɔ na yi la tenga noba boɔro zie. A sobiri na a noba nang na mang tu ka ama nye eebo la ka ba manne bing ka ka vuo kang poɔ k'a noba mang taa neng-iri ka finnuu kyebe a neng-iri nga poɔ; k'a banang zaa nang ta noba a taa sori na iri a noba nang na lee ba zu a tenga gobenente poɔ. A neng-iri sang neɛ zaa ba taa sori na nye o tosoba nang boɔro k'o iri neɛ na.

Dore 22

Neɛzaa waa la a tenga zu noba neɛ. A ferɛɛ la ka o tenga kaara o zu; o la taa la sori meng ka o nyere a o tenga tonɔ ka a song o ka o nyere emmo a seng nengsaala; ka o engɛ ane o yeng yeɛ meng kyene velaa.

Dore 23

Neɛzaa ta sori ka o taa toma tonɔ. O taa sori meng ka o iri toma na o dang boɔro. Sori bebe meng la, ka ka o toma zie ane o toma zie yeɛ veɛɛ. Sori bebe meng la ka o taa toma tonɔ a ta yoɔro weɛ lɛ.

Neɛzaa, ka gyegru kyebe taa sori ka o nyere san-yoo a seng banang zaa meng nang tonɔ a tong-bale.

Neɛzaa nang tonɔ toma taa sori a naa nyere a yooɛ ka a seng o ne o poɛ ane o bibiiri; ka a seng ba ka ba na toɔ nye bone na zaa a nang fere nengsaala ka o taa waa nengsaala.

Neɛzaa taa sori ka o piili tontonema langne. O la taa l'a sori ka o kpe tontonema langne nang na song ka o guuro o toma.

Dore 24

Neɛzaa taa sori ka o nye penno kye ka o pennoo sang ka o taa sori a ere lɛ o poɔ nang pelle. O la taa sori ka ka o ta tong toma a te gang gammo kang. O taa sori meng na nyere pennoo bebie a o toma zie kye nang nyere san-yoo a pennoo bebie na poɔ.

Dore 25

A ferɛɛ la k'a tenga nye ka benee doo ane o poɛ ane o bibiiri nang kpeere seng ne ba eng-maarong nang boɔro lɛ, ka ba nyere bondiri ane bonsuuri, ka ba kpebo zie ane ba laafe yeɛ veɛɛ. Ba taa l'a sori meng ka sang kang wa ta ka ba ba la taa san-yoo toma, bee ka ba beere, bee ka yeli kang e ka o kong la toɔ tong toma bee ka o sere, bee ka poɛ kpi kye kyere o yong, bee ka o kore zuo a kong la toɔ tong toma, bee ka yeli kang e ka o dee kong la toɔ bo bondiraa o mengɛ, a ferɛɛ la ka a tenga na o nang be kaara o zu.

Bimamine ane bibiiri nang nang baara, a sengɛ la ka ba kaara ba zu kye sonno ba. Bibiiri zaa, ka ba ma ne ba saa de la taa kye doge ba bee ka baba de taa kye doge ba meng na nyere la a sommo nga bale.

Dore 26

Neɛza taa sori ka o bang gane. A gane zanno piilu sang a da seng ka yooɛ kyebe. A ferɛɛ la ka neɛzaa zanne gane belaa a ta taabo kang. A da ba seng ka neɛzaa wong tuo kye nye nuuri-toma zanno, bee gama-toma zanno. A da sengɛ la ka banang nang na toɔ meng ta wong tuo kye nye zanno nang do yaga.

A da sengɛ la ka gane zanno kyaara nensaala mengemaalo yeɛ a kye sonno nensaala mengesoobo sobie yeɛ a kye sonno yelwongtaa ane kanyiri di-ko-taa, a e ka tenne ane bale la bale zaa ane puoru deme zaa nyoge taa baalong a kye e ka a Tendaa Langkpong yeɛ kyene ka maarong be a tenga zu.

Saamine ane mamine taa a sori a na de weɛ dang iri benee ba nang boɔro ka ba bibiiri gaa zanne gane.

Dore 27

Neɛzaa taa sori ka o poɔ a tenga tengkoɔ yeɛ poɔ a meng wong a noba nuuri-toma noɔ, kye nyere tonɔ nensaala yeng nang song o ka o maale, bee ka o e ka bone na zaa waana ne noɔ bee tonɔ.

Neɛzaa nang de o nuuri, bee o zu a tong ne toma ka a yire tonɔ mine, a ferɛɛ la ka a tenga ta veng ka neɛzaa finne o a toma na poɔ.

Dore 28

A da sengɛ la ka a yeɛ ama ba nang manne bing a kye a nye eebo, ka benee zaa tenga zu kye neɛ nang kpeere na toɔ so o mengɛ kye kpeere ne popeelong.

Dore 29

Neɛzaa taa la fero toma o taaba zie benee o nang kpeere. A leng na song ka o mengɛ nye maalo.

Neɛzaa nang so o mengɛ, a wonno o mengesoobo noɔ, yeli zaa ba kyebe a na pigi a o mengesoobo nga sori see ka tenga nang manne bing lɛ naane, a loo na meng na waa la loo nang na veng ka nensaala nye emmo kye so o mengɛ, a sonno ka nensaaba ere eveɛɛ, a e ka marong be noba nang lang kpeere zie kye ere ka noba zaa kpeere velaa ba tenga poɔ, ka ba meng taa noɔɛ a ba tenga maalo yeɛ poɔ.

Neɛzaa ba taa sori a e yeli nang ba toro a Tendaa zaa Lammo nang manne a nengsaaba meneesoobo sobie bing lɛ.

Dore 30

Tenga zaa bee langne zaa bee neng-yeni zaa ba taa sori a willi a yeɛ ama ba nang manne bing a kye; ka a waa seng

nga a yelε nga ko ba la sobiri ka ba tong tone zaa bee yeli zaa nang waana ne nensaala mengasoobo ane o yelisoore
noñ wommo ba nang manne bing a kye sããbaro.